



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 51. Martinus IV Papa.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Martinus IV Papa.

Cæteri Cardinales tandem die Cathedrae S. Petri 22 Febr. 1281 Papam elegerunt Simonem Cardinalem Presbyterum de S. Cæcilia. Erat Gallus Montipincæi in agro Briensi natus. Sed diu Turonibus habitaverat, cum esset in Ecclesia S. Martini Canonicus & sacri Præfectus ærarii. Quamobrem Turonensis esse videbatur Italis. Cardinalis a Papa Urbano IV pariter Gallo mense Decembri an. 1261 creatus, bis, ut vidimus, in Francia egerat Legatum, primo Urbani IV, deinde Gregorii X. Suffragiis ita restitit, ut pallium ejus lacerarent pontificium obtrudentes. Denique cedens nomen Martini sumpsit in honorem Sancti, cui Turonibus servierat. Etsi vero secundus hoc nomine Papa fuerit, Martinus IV dicitur confusis probabiliter duobus Marinis cum Martinis. Cum Viterbium ob vim Cardinalibus illatam interdicto affectum esset, Urbem Veterem petiit, nondum adeundam sibi Romam judicans Annibaldorum Ursinorumque factionibus nimium turbatam.

Jordan. ap. Papabr. con-
nat.

Rayn. n. 8.

Rayn. n. 6.